

Itorero rya Gikristo rya Tony Alamo

Ikinyamakuru cy'isi

Yeruzalemu Nshya

Amatorero kw'isi hose

Pasitoro Tony Alamo

Ihuriro rya Gikristo rya Alamo

Nomero 06000



Pasiteri Tony Alamo—Ifoto yo 1986

Ubuhamya bwa TONY ALAMO

Amagufwa Yumye

Bikozwe na
Tony Alamo

Umuhanuzi wo mu gihe cy'Isezzerano rya Kera, Ezekiyeli, yeretswe n'Imana. Abona ikibaya cyuzuye amagufwa yumye, bishushanya urupfu mu by'umwuka rw'igihugu cya Isiraheli n'isi. Uku kwerekwa kwari imbuzi y'ukuza kwa mbere kwa Kristo, Ubutumwa Bwe bwiza n'impinduka za bwo, umuzuko wa mbere w'abo bose abemera "Ijambo ry'Uwiteka"¹ bava mu rupfu binjira mu bugingo buhoraho.

Imana ibwira Ezekiyeli iti, "Mwana w'umuntu, mbese aya magufwa yabasha gusubira kubaho?" (ayo yapfuye mu buryo bw'umwuka yakongera kubaho?) Ezekiyeli arasubiza ati, "Mwami, Uwiteka, ni wowe wayaremye, ni wowe ubizi"² Imana irongera ibwira umuhanuzi,

iti, "Hanurira aya magufwa maze uyabwire uti yemwe mwa magufwa yumye mwe, ni mwumve ijambo ry'Uwiteka. Uku ni ko Umwami Uwiteka abwira aya magufwa ngo: Dore ngiye kubashyiramo umwuka ngo mubeho."³

Isiraheli nk'igihugu yari izi ko itakiriho habe na mba.⁴ Kuri uyu muni bari bihebye kandi baratanyeye. Ariko Imana yabwiye Ezekiyeli ko Izubaka ikindi gihugu gikomeye kurusha Isiraheli ya mbere, kitari guhagarika gukora ibyaha. Isiraheli ya kabiri izaba ari iy'abantu baturutse mu mahanga yose y'isi,⁵ abasigaye batoranyijwe bo mu Bayuda n'umubare munini utabarika w'abandi batari Abayisiraheli bahin-duwe ishami ry'Umuzabibu w'Ukuri (Kristo).⁶ Kizaba igihugu, igihugu gikomeye kandi cyera cy'abantu bakuwe mu buzima bw'urupfu rw'icyaha bashiyirwa mu buzima buhoraho.⁷ Ntibazongera kwitandukanya n'Imana ukundi. Uku kwabaye ukuzuka kwa mbere gukomoka ku bubasha bw'ukuzuka kwa Kristo.⁸

Mu 1964, mbere y'umuzuko wanjye muri Kristo, jyewe, Bernie Hoffman, uzwi no ku izina rya Tony Alamo, nari nzwiho gukora ibyaha cyane no kutamenya Imana. Ntabwo narinzi ko Imana ibaho. Ijambo ry'Imana kuri jye ryari amahamba n'inkuru mpimbano, bityo sinumvaga ukuntu abantu bashobora kwemera Imana cyangwa Umwana wa Yo. Sinashoboraga kwemera abo bavuga ko bemera Imana, kuko kuri njye bari indyarya. Bakoraga ibyaha nka njye, cyangwa bakandusha no kubikora. Ndabizi kuko namaranaga na bo igihe kinini. Twese twari itsinda ry'abapfu, amagufwa yumye. Nagiraga umujinya iyo umuntu yashakaga kumpindura ngo angire umukristo, kuko kuri jye Bibiliya yari iyo kuntera umwanya. Ubuzima nabagamo ntabwo bwampaga umwanya wo guta mu mikino cyangwa ku nkuru z'ibitarabayeho.

Nafatwaga nka nimeru ya 1 mu bijyanye no kwamamaza. Nari nshinzwe guteza imbere ku buryo bwa gihanga

umwuga w' abahanzi n'abakinnyi ba ma filimi bazwi cyane ku isi, ndetse no kwamamaza ibikoresho byinshi bikoreshwa mu ngo. Inzozu mbi cyane kuri jye rero, yabaye iyampinduye, maze nkwirakwiza mu nkengero z'imihanda utwandiko duto tw'Ijambo ry'Imana tuvuga kuri Yesu, nibera mu butumwa mu duce tugizwe n'akajagari, nigisha Ijambo ry'Imana, ari nako ntegura ahahurizwa abantu bashonje ngo bahabwe ibiribwa. Hagati mu myaka ya za 60 isi ntiyangaragariraga neza. Si nakundaga ibiyobyabwenge cyangwa abantu banduye bafite imyitwarire nk'iy'ingurube. Kandi, nanga inzaduka zisibanganya indanga gaciro zakorerwaga muri Hollywood, i Sunset Strip, no mu isi. Ku bwanyje si nari umwere. Sinitaga rwose ku byaha abantu bakoraga, mu gihe cyose babaga batabishyize mu ruhame imbere y'imiryango ifite abana bato. Kuri jye isi yari yarangiye, yarapfuye, yumiranye, itakiri iyo kwihanganirwa, nta heza ha-

(Komereza ku rupapuro rwa 2)

¹ Ezek 36:1, ² Ezek 37:3, bib Abah ³ Ezek 37:4-5, aram bib. ⁴ Ezek 37:11 ⁵ Itang 17:4-16, 22:18, 26:4, 46:3, 48:19, 49:10, Kuva 19:6, 32:10, Zab 22:27, Yes 2:2, Yoh 11:51-52, Ibyak 10:34-35, Fes 1:10, Heb 8:8-12, 1 Pet 2:9-10, Ibyah 5:9, 14:6 n'ibindi byinshi ⁶ Yoh 15:1, Rom 11:17, 19, 23, 24, Ibyah 7:4 ⁷ 1 Pet 2:9 ⁸ Rom. 15:12, 1 Kor. 15:15, 16, Kolo. 2:12, 3:1, 1 Tes. 4:16, Ibyah 20:5-6

Ubuhamya bwa TONY ALAMO

(Komezwa uvuye ku rupapuro rwa 1)

zaza igifite.⁹ Mbese nta kintu na kimwe kigifite agaciro habe na mba. Nizera ko n'abandi bantu ku isi bari babizi nkanjye, kandi bafataga ibiyobyabwenge ku-gira ngo bahunge ukuri kwa byo. Insen-gero zari indyarya; kandi buri muntu wese yasaga nubizi. Isi yose yari yarap-firiye mu byaha no kwica amatego.¹⁰ Isi yari ikibaya kinini cyane cy'amagufwa yumye, nk'icyo Ezekiyeli yabonye.¹¹

Nahuye na Yesu mu biro i Beverly Hills (aha hakaba ari aho abakinnyi benshi bo muri Hollywood batuye) mu buryo butangaje. Nta muntu n'umwe ushobora kumva uburyo nagize ubwoba bwinshi, ariko na none nishimye, ubwo Imana yampamirizaga ko Iba-ho Yo n'Umwana wayo. Nashimishi-jwe cyane no kwiyumvamo Umwuka wayo mwiza cyane Wera, nka numva Ijwi ryayo rifite imbaraga rihaha mu bice byose by'umubiri wanjye nka-ho nabaye akayunguruzo gacibwamo n'amagambo imbere n'inyuma. Ukuha-ba kwa Yo byari umugisha kandi biteye ubushyuhe. Umwuka wayo wankoze-ho n'imbaraga nyinshi nk'ufashweho n'ikiganza cy'Imana. Maze Ijambo Rye rirambwira ngo "Haguruka uhagarare ku maguru yawe maze ubwire abantu muri iki cyumba ibyerekeye Umwami Yesu, kandi ko Azagaruka kuri iyi si na none, bitabaye ibyo no gupfa bazapfa" Igihe umwuka We waje mu biro ukan-koraho, nahawe kumenya ubuhanga Bwe butangaje ariko butavuga.¹² Yari akaremangingo gato n'akisumbuyeho kose gashoboka kagize ibiriho byose.

⁹ Mat 13:39, Umutwe wa 24, 1 Kor 15:24, Heb 9:26, 1 Pet 4:7 ¹⁰ Fes 2:1, 5, Col 2:13 ¹¹ Ezek 37:1 ¹² Kub 24:16, 1 Sam 2:3, Yobu 21:22, Zab 32:8, Imig 2:6, 3:20, 9:10, Luka 1:77, Rom 11:33, 1 Kor 1:25, 2:16, 3:19, 2 Kor 4:6

Yari umwuka. Yari azi ibyambayeho byose mu gihe cyahise n'ikizaza.¹³ Nari mfitte isoni nyinshi cyane kuko nari nzi ko Azi ibyo nakoze byose. Hanyuma Yanyeretse ko Ijuru n'Ikuzimu bibaho ntashiti. Narinzi aho nagombaga kujya iyo ntumva ibyo Yambwiraga... kandi ntiharikuba mu Ijuru.

Nubwo byari binteye ubwoba,¹⁴ ariko na none byari byiza cyane kumenya ko Imana yari ukuri kandi ibaho ko n'ibyo byose abahanuzi n'intumwa bayivuzeho ari byo koko. Ntiyigeze Ihinduka kuva ku muni yaremeye Ijuru, isi, n'ibibirimo byose.¹⁵ Nahise menya ko ngomba guhora Nyitinya, Nyitangarira, Nyubaha, Nyikunda na Nayikorera. Nari nzi ko byari birenze kure kwifuza kubaho, ntotezwa, nkaba nanapfa ku bwa Yo, kandi nkabikora nishimye, nu-zuye ibyishimo.¹⁶

Nyuma y'uko Imana inkuye muri ibyo biro, natangiye kuyibaza nti "Urashaka ko nkora iki? Nzakora icyo uzavuga cyose." Sinabonye igisubizo, bityo nibwiye ko Yifuza ko najya mu rusengero. Nibwiye ko urunini cyane kurusha izindi ari rwo rwiza; bityo nagiye aho, kandi sinayibonye yo. Hanyuma yaho, nagiye muzindi nsengero, ariko naho siho Yari iri. Hanyuma nasomye ibitabo bifite igifuniko cy'amafoto y'abagabo basa n'abahanga, bifitemo ubumana, bafite ubwanwa burebure, kandi bambaye imyambaro y'abanyamadini, ariko narinzi ko ibyo bitabo bitari byo kuko bavugaga ko Imana itari iyo gutinywa,¹⁷ ko Imana idatera abantu ubwoba, kandi ko ushobora gukora ibyaha ntujye Ikuzimu.¹⁸ Ntabwo nari ntwese impungenge no kubona Imana isa ityo, nari nshishikajwe no kubona Imana yari yanteye ubwoba,¹⁹ Imana yari yanyeretse Ijuru n'Ikuzimu, Ikantera gukora icyo umuntu uwo ari we wese atashoboraga kuntera gukora.

Sinari narigeze ntekereza ko ukuri gushobora kuboneka muri Bibiliya kuko hari nyinshi cyane iruhande rwanjye. Si niyumvishaga ukuntu ikintu abantu bose muri rusange birukira gishobora kuba icy'ubuhanga, kuko nemeraga ko abantu muri rusange ari abaswa. Amaherezo, natangiye gusoma Bibiliya, ni uko mbona umugambi w'agakiza muri yo n'amabwiriza aganisha k'ubugingo buhoraho atubwira uko bakura muri Kristo no guhinduka ku bw'umwuka ukaba uzana abantu Kuri kristo.²⁰

Ubwo natangiraga gusoma Bibiliya bwa mbere, numvise imbaraga z'Imana zinkoraho nk'izo nari numvishe mu biro i Beverly Hills. Maze Imana ingaragariza ukundi kwerekwa kw'Ijuru n'Ikuzimu.²¹ Ntakira Imana, "Mwami, winyohereza Ikuzimu!" Hanyuma mbona Ijuru nuko niyumvamo amahoro y'Ijuru.²² Nubwo mu buryo bw'umwuka nari impumyi, nambaye ubusa, kandi ndi muto cyane, nabwiye Imana ko nakwifuza kuguma ndi impumyi, nambaye ubusa, kandi ndi ubusa niba narashoboraga kuguma kwiyumvamo aya mahoro y'ijuru iteka. Nongeye kubona ikuzimu indi nshuro imwe maze ntakira Imana nyisaba imbabazi n'impuhwe. Hanyuma imbaraga za Se, Umwana, n'Umwuka Wera byinjira umubiri wanjye upfa.²³ Ku bwo kwizera kwanjye Yesu n'amaraso Ye Yatanze ku bwanjye, no ku bwo kwizera Ijambo ry'Imana numvise kandi nkumvira,²⁴ Numvise ibyaha byose naba narigeze gukora bivanywe mu bugingo bwanjye.²⁵ Numvise nejejwe kandi nera.²⁶ Ikintu gitangaje cyari cyambayeho, kandi cyari cyankorewe, gikozwe na Kristo Yesu, "Uwera wenyine wa Isiraheli."²⁷ Nari nishimiye cyane kuvanywa mu byaha no kugira izi mbaraga nshya zindinda gukora ibyaha ku rwego nifuzaga kubwira isi yose ku-



www.alamoministries.com

¹³ Zab 44:21, 94:11, Yes 46:9-10, 1 Kor 3:20, 1 Yoh 3:20, Ibyah 21:6, 22:13 ¹⁴ Itang 35:5, Abal 26:16, Yobu 31:23, Yer 32:21, Ezek 32:32, 2 Kor 5:11 ¹⁵ Itang 1:1, Mal 3:6, Ibyak 4:24, 2 Kor 5:11, Heb 13:8 ¹⁶ Zab 5:11, 35:19, Yes 51:11, 61:10, Yoh 16:33, Ibyak 2:28, 20:24, Rom 12:8, 15:13, 2 Kor 8:12 ¹⁷ Itang 22:12, Zab 112:1, Imig 13:13, 14:16, 28:14, 31:30, Umubw 7:18 ¹⁸ Imig 8:36, Ezek 18:2, 4, Ibyah 19:20, 20:10, 14, 15, 21:8 ¹⁹ Itang 2:17, 6:7, 9, 13, Kuva 20:5, 32:33, 34:7, Ezek 3:18, 18:20, Mat 8:12, 22:13, Mar 16:16, Ibyah 2:5, 16, 22-23, 3:3, 20:15 ²⁰ Yoh 4:35-36, 15:5, 8, 15-16, Ibyah 14:18 ²¹ Yes 5:14, 14:9, Luka 16:22-31, Ibyak 7:55-56, Ibyah 4:1-11, 14:10-11, 15:1-4, 20:10, 21:2-5, 10-27, 22:1-5 ²² Rom 5:1, Fes 2:14, Fili 4:7, Col 3:15, 1 Tes 5:23, 2 Tes 3:16 ²³ Abar 26:11-12, Yoh 14:16, 2 Kor 6:16, 1 Pet 2:5, 1 Yoh 3:24 ²⁴ Hab 2:4, Mat 17:20, Luka 7:50, Ibyak 20:21, 26:18, Rom 1:17, 3:28, 5:2, 10:17, 11:20, Gal 2:16, 3:11, Fes 2:8, 3:17, Heb 10:38 ²⁵ Mar 14:24, Yoh 6:53, Ibyak 20:28, Rom 3:25, 5:9, Fes 1:7, 2:13, Kor 1:14, 20, Heb 9:12, 14, 22, 1 Pet 1:18-19, Ibyah 1:5, 5:9 ²⁶ Heb 10:19-22, 1 Yoh 1:7, Ibyah 1:5, 7:14 ²⁷ Zab 89:18, Ibyak 3:13-14

gira ngo nabo bamumenye maze bagire ubugingo buhoraho.

Ndetse na nyuma yo kuba mu itorero ku bwa Kristo guhera 1964, numva umusokoro wo mu mwuka usukwa umanurwa uva mu ijuru ushyirwa muri aya magufwa yumye nanone cyane, buri gihe cyose nsoma Bibiliya. Ijambo ry’Imana ryazengurutse aya yahoze ari amagufwa yumye, riyafubika umubiri n’igikoba cy’ingabo y’Umwuka Wera. Buri Jambo ry’Imana ryanteye Kristo mu mutima wanjye. Ndacyumva buri Jambo ry’Imana rimpumekeramo Umwuka Wera mu bugingo, bikampa imbaraga zo guhagarara nkazimya imyambi igurumana Satani yanteye muri iyo myaka. Buri muni menya byuzuye kurushaho ko “turenze abatsinze” muri Kristo Yesu,²⁸ kandi ko “muri We twuzuye”²⁹ na none nzi uburyo ari iby’agaciro gakomeye gukurikiza Ijambo ryose rya Yesu, We Wavuze, mbere gato yo kuzamuka mu Ijuru Kwe mu bicu, ati “Mujye ku isi yose, maze mwigisha Ijambo ry’Imana ku biremwa byose.”³⁰ (Kwigisha ijambo ry’Imana amagufwa yose yumye, abo bapfuye mu buryo bw’umwuka kugira ngo babashe “kumva Ijambo ry’Uwitete Imana.”³¹)

(Komereza ku rupapuro rwa 8)

28 Rom 8:37, 1 Yoh 4:3-4 29 Kol 2:10 30 Mar 16:15, Luka 14:23 31 2 Abami 20:16, Yes 1:10, Yer 2:4, Ezek 37:4

Bwana Pasiteri Alamo, mukundwa ukaba na Pasitoro Imana yaduhaye,

Umugisha, imbabazi, n’amahoro akomoka kuri Data na Kristo Yesu Umwami wacu abane nawe n’itorero ryawe. Ndashimira Imana, yo nakorereye guhera mu 1994, ndi umuvugabutumwa muri Musoma, Tanzaniya. Nakomeje kwagura itorero ryanjye mu gihugu hose, ndetse no hanze ya Tanzaniya. Ni uko rero Pasiteri, sinari narigeze numva ijwi ryawe cyangwa inyigisho zawe, cyangwa ngo mbe narigeze nku-bona, ariko biciye mu nyandiko zawe nakiriye kandi ngasoma ubutumwa bwazo bw’akataraboneka, urugero, “Amagufwa Yumye”, *Mesiya*, n’Ubushyamba bw’Imana”, zanditswe nawe, Pasitoro Tony Alamo, wowe muvugabutumwa ukomeye ku rwego mpuzamahanga muri izi nyandiko, nabashije kumenya no kumva ikiguhangayikishije haba ku muni wa none no mu gihe kizaza ku bijyanye n’itorero, ryo mubiri wa Kristo. Njyewe n’abagenzi banjye dukorana mu Mwami hamwe n’abakiriye agakiza bashya, abo bemeye Kristo biciye mu nyigisho zawe, twakoze ihuriro twise Believer community Church (BCC). Turifuza gusakaza itorero ryawe

Tanzaniya

muri Afurika y’Iburasirazuba, cyane cyane muri Tanzaniya, tukayikwirakwiza no mu byaro byakure. Dukeneye ubufasha bwawe, turabikwingingira Pasitoro. Niba ushobora kuduha indangurura majwi, moteri itanga ingufu z’amashanyarazi, ndetse na Bibiliya ku bakijijwe bashya n’inyandiko zo kwifashisha twigisha kuko tuzikeneye mubijyanye n’Ijambo ry’Imana muri iri torero, inyigisho zaho dutuye. Ku bw’ibi Imana izaguha umugisha mwinshi. Imana ihe umugisha itorero ryawe kandi izamure ubuzima bwawe bwo mu mwuka ku bw’imirimo yawe myiza wakoze.

Turagushimye cyane kandi dutegereje igisubizo cyawe cyiza tubikuye ku mutima. Uwawe muri Kristo., O.E.M.

Tanzaniya, Afurika y’Iburasirazuba

Kariforiniya

Bwana Pasitoro Alamo,

Nandikanye iyi baruwa imbaraga z’Umwuka Wera, kandi nikwije INTWARO ZOSE Z IMANA zimbashisha guhagarara ntatsinzwe (Fes 6:10-17). Vuba aha, bivuye ku gukura mu n’ubufatanye na mwene data mu ngabo z’imana, ukuri kumwe na kumwe n’amabanga ya Bibiliya yarampishuriwe biturutse ku Mwuka Wera. Ndabizi ko ubu Imana irimo itegura abo yatoranyije, kandi hari urupapuro naguyeho mu nyandiko wasohoye. Ndahamya ko Imana yanzaniye inyandiko zawe mu gihe cy’ingenzi ubwo nari nkeneye kumenya ukuri kumwe na kumwe. Natangajwe cyane n’itorero ryawe. Uri ukuri kwambaye ubusa, kudahinduye na gato, umbwira iby’impande zose z’ubuhanuzi. Ndakwingize nshira mu banyamuryango bawe, unashire ku rutonde rw’abakira ubutumwa bwawe, kugira ngo mbashe gukura mu Umwuka Wera, mpabwe inkota y’Imana y’ukuri. Ndi muri gereza ya Leta, ku bw’iby sinabasha kubona ibitabo bifunitse. Sinabasha gutanga inkunga yanjye, ariko isengesho ryanjye ni ugusabira itorero ryawe ry’inyambaraga kugira ngo rikomeze gutera imbere riri kumwe nawe ngo muzashinge mukomere.

Uwawe,

B.L.

Corcoran, California



Umuvugabutumwa w’umufatanyabikorwa n’Aitorero ya Gikristo ya Tony Alamo M.C akwirakwiza ibinyamakuru bya Pasiteri Alamo- Leta Iharanira Demokarasi ya Kongo.

UBUHINGE

Muvandimwe kandi muyobozi wacu mu mwuka kandi dukunda cyane, Pasitoro Tony Alamo

Intashyo n'indamukanyo zituruka ku bavandimwe bashyize hamwe bo mu Buhinde bibumbiye mu Itorero rya Gikristo rya Tony Alamo. Nagize ibyishimo byinshi n'umunezero ubwo nakiraga Bibiliya Zera n'izindi nyandiko zawe zirimo, iyitwa *Mesiya*. Mu gusenga, njyewe n'abavandimwe bagenzi banjye b'AbaKristo turi gukwirakwiza umugambi nyakuri w'agakiza ku bantu bose bazi icyongereza, kandi turi kugerageza guhindura izi nyandiko zihariye mu ndimi zacu gakondo ku bantu batazi icyongereza n'abatuye mu byaro. Umubare munini w'abantu, abatwara amabisi n'imodoka nto, abanyeshuri bo mu mashuri yisumbuye, abiga ubuganga, n'abiga iby'ubumenyi rusange, abakozi n'abakoresha mu nganda, abarimu n'abo bandi bose bakiranye umwete mwiza izi nyandiko zuzuye umugambi nyakuri w'agakiza bari guhabwa umugisha kubera zo. Abantu benshi bakiriye Yesu Kristo nk'Umukiza wabo bwite mu mugu wacu biciye mu nyandiko zawe. Turabinginze



Umuvandimwe T.R ukwirakwiza igitabo cya Alamo cy'ububasha kandi gikiza ubugingo, cyitwa *Messiah-Rajahmundry*, Ubuhande

mudushyire mu masengesho yanyu y'agaciro.

Mu cyubahiro cyanyu yari umugaragu wanyu mu murima w'imizabibu Ye. Murakoze
Pasitoro N.T
Rampachodavaram Mandal, Ubuhande

Iki ni igice cy'igitabo cya Pasitoro Alamo cyitwa, *Mesiya* Igitangaza gikomere cyane kurusha ibindi mu byasohowe Ibyanditswe muri **MESIYA**

Hagendewe ku buhanuzi bwa Bibiliya

“Adutegeka kubwiriza abantu” (Ibyak 10:43).

“Mu muzingo w'Igitabo ni ko byanditswe kuri Jye”

(Zab 40:7, Heb 10:7).

(B) Yes 53 (*ugakomeza*)

(9) Kubabazwa kwa Mesiya nk'Impogano, Yes 53:4-6, 8, 10-12

“Ni ukuri intimba zacu ni zo yishyizeho, imibabaro yacu ni yo yikoreye ariko twabwo twamutekereje nk'uwakubiswe n'Imana agacumitwa nayo, agahetamishwa n'imibabaro... Nyamara ibicumuro byacu nibyo yacumitiwe, yashenjaguriwe gukiranirwa kwacu, igihano kiduhesha amahoro cyari kuri we, kandi imibyimba ye niyo adukirisha... Twese twayobowe nk'intama zizimiye, twese twabaye intatane, Uwitwaka amushyiraho gukiranirwa kwacu twese...”

Guhemurwa no gucirwa ho iteka nibyo byamukujeho. Mu b'igihe cye ni inde witayeho ko yakuwe mu isi yabazima, akaba yarakubitiwe ibicumuro by'ubwoko bwe... ariko Uwitwaka yashimye kumushenjagura, yaramubabaje. Ubwo ubugingo bwe buzitamba igitambo cyo gukuraho ibyaha, azabona urubyaro azarama, ibyo Uwitwaka ashaka bizasohozwa neza n'ukuboko kwe... azabona ibituruka mu bise by'ubugingo bwe bimwishimishye, bimuhaze, Umugaragu wanjye ukiranuka azatuma benshi bahabwa gukiranuka no kumenya kandi azishyiraho gukiranirwa kwabo.”¹

Ukuri kugaragara neza cyane muri uyu mutwe **ni impogano no kubabazwa kwa Mesiya mu cyimbo cyacu**. Uyu mutwe utangaje ufite imirongo cumi nibiri gusa, ariko utangaza umugambi w'igitambo cy'impongano kubw'ikiremnamuntu cyose inshuro cumi n'nyuma. Igika cyose (Yes 52:13-53:12) kirabishimangira kandi ubu bwiru ntibwigeze busobanuka kugeza ubwo Umwami Yesu “ahinduwe... kuba icyaha ku bwacu” (2 Korinto 5:21).

Uwitwaka “Amushyiraho gukiranirwa kwacu twese” (Yes 53:6). Mesiya yabaye Umucunguzi ufite ubumana washyizweho urubanza rutwika rwari kuba rwanukiyeye ikiremnamuntu. Mbega ngo Ubuntu bw'Imana buraba bwiza kubera impogano ya Kristo! Ni uko rero umusaraba wabaye ugusuzugurwa gukabije kwa Kristo, ariko uba n'ikuzo rye risumbabaye ayandi — bityo gutoranywa kwe bisobanura kuzanira agakiza umuntu.

Igihe Umwami Yesu yaje, yujuje ubuhanuzi bwerekeye Mesiya atanga impogano y'urupfu rwe ku musaraba: “ubwe yikoreye ibyaha byacu mu mubiri we abibambanwa ku giti” (1 Pet 2:24).

(10) Mesiya azababazwa kubushake bwe kandi ntazabumbura umunwa we, Yes 53:7:

“Yararanganye ariko yicisha bugufi, ntiyabumbura akanwa ke: Amera nk'umwana

¹ UMWANDITSI W'IBYANDITSIWE BYERA yatumye bidashoboka ko hakurwamo umugambi w'igitambo cy'impongano muri uyu murongo niyo hakoreshwa ubuhanga bwose cyangwa ubumenyi ubwo ari bwo bwose, abikora yerekana uyu mugambi inshuro nyinshi kandi mu buryo butandukanye ariko busa, kugira ngo ubishoboye kuwukuramo hamwe afatwe nawo ahura nawo ahandi.



Pasitoro Mike Omoasegun hamwe na bamwe bo mu itorerero rye bakira inyandiko za Pasitoro Alamo zikiza roho na Bibiliya Zera (King James version) zivuye mu Matorero ya Gikristo ya Tony Alamo — Suleja, Nijeriya

Bivuye ahakorerwa amasengesho amasaha makumyabiri n'ane hakanatangirwa amakuru

Dogiteri (D.R.) wo muri McAllister Library, mu ishuri ryo mu isemineri ya Fuller Theological Seminary ryo muri Pasadena, muri Califoriniya, yarahamagaye avuga ko yabonye ibinyamakuru bimwe na bimwe hasi ku butaka maze akabisoma. Avuga ko yabikunze none arasaba ko yashyirwa ku rutonde rw'abakira ibyo binyamakuru. Avuga ko yakwishimira ko twamwoherereza ibinyamakuru byose na buri gice cyose cy'inyandiko za Pasitoro Alamo yaba yaranditse. Arashaka kugira ububiko bw'inyandiko zose ze ku buryo abashakashatsi bazajya babasha kujya mu nzu ye y'isomero kwiga bisesenguye Ijambo ry'Imana na Pasiteri Alamo. Yashimishijwe cyane nibi. Yavuze ko yakwishimira kuzuzwa kamwe mu tubati tw'ibitabo inyandiko za Tony Alamo gusa. Yaravuze ngo Tony Alamo abivuye uko buri.

w'intama bajyana kubaga, cyangwa nk'uko intama icecekerera imbere y'abayikemura, niko atabumbuye akanwa ke.”

Abandi barenganywa barijijuta cyangwa bagasakuza, cyane cyane iyo bata-bonye ubutabera— ariko si ko byagenze mu kurenganywa kwa Mesiya. Yaritanze kubushake bwe ku bw'umurimo yarat-egetswe wo “Kwikorera ibyaha byacu” kandi aba nk'intama igiye kubagwa. Muguceceka kwiza n'ubugwaneza, Mesiya azabyihanganira kuko Uwit-eka ariko yabishakaga. Ni uko rero hano tubona ubwiru busobetse cyane bw'urukundo rudashira.

Mu Isezerano Rishya, igihe Yesu Kristo yakubiswe, agashinjwa ibinyoma, agafatwa nabi, agasuzugurwa, akavunderezwaho amacandwe, agatotezwa, agashinyagurirwa, agakubitwa ikiboko, kandi akabambwa, nta gishashi na kimwe cyabayeho cyo kurakazwa, cyangwa gushinja abamugiriraga nabi, nta rusaku rwo kwerekana ko atabyishimiye, ahubwo hari isengesho gusa.

Nyuma y'ibirego byinshi by'ibinyoma yashinjwaga, Umutambyi mukuru

yaramubajije ngo “ntiwiregura na hato? ariko Yesu aricecekerera” (Mat 26:59-63).

Iri ni isengesho rya Yesu ubwo yababazwaga n'iyicarubozo ryo kumubamba ku musaraba: “Data, ubababarire kuko batazi icyo bakora” (Luka 23:34).

Uko byagenze kose ni ibidasanzwe, bitandukanye na kamere ndetse n'imibereho y'abantu, ntawushobora gufasha, ahubwo yarahondaguwe, batangaye, ku bw'ubuhanuzi budasanzwe hamwe n'isohozwa rya bwo risesuye.

(11) Ubwo yavanwaga mu buroko gucirwa urubanza, Mesiya ntiyari afite UMUBURANIRA, nta n'inshuti ngo ihamye ubuziranenge Bwe, Yes 53:8:

“Guhemurwa no gucirwaho iteka nibyo byamukujeho. Mu b'igihe cye ninde witayeho ko yakuwe mu isi y'abazima?”

Inama nkuru y'abatambyi n'abanditsi “mu guca imanza ziganisha kugihano cy'urupfu” yari ifite umuco wo guhamagaza abashoboraga kuba bafite icyo bazi cyashinjura uregwa ngo baze imbere babitangaze. Ibi ntabwo byigeze bigaragara mu rubanza rwa Yesu w'i Nazare-

ti, ahubwo, ibyabanjirije urubanza Rwe rwaranzwe n'ubuhubutsi, n'agasuzuguro mbere y'inama nkuru y'abatambyi bakuru n'abanditsi, byari bitandukanye rwose n'amategeko yabo ndetse n'ibipimo byose by'ukuri n'ubutabera ku buryo butangaje kandi bubabaje.

Yesu yagombaga kwitaba mu rukiko ari wenyine kandi nta munyamategeko umuburanira imbere y'abategetsi b'Abayuda bakomeye bamunzwe n'ikibi kandi bari bari-kumwe n'abanyabubasha b'abanyamahanga bakomeye cyane kurusha abandi kuri iyi si muri icyo gihe. **Nta muntu n'umwe wari ku ruhande Rwe.** Yuda yaramugambaniye; Petero aramwihakana mu ndahiro yivuye inyuma; n'abandi bigishwa “nuko abigishwa bose baramwihakana, barahungu” (Mat 26:56). Ndetse n'abagore benshi bari baramukurikiye mu gihe cy'inyigisho Ze, barahagaze “bahagarara kure bareba” mu gihe Yabambwaga (Mat 27:55). Mu isaha yari akeneye abantu kurushaho, mu buryo bwa kimuntu, NTA MUNTU N'UMWE WAMUSHYIGIKIYE. Mu

(Komereza ku rupapuro rwa 6)

MESIYA

(Komeza uvuye ku rupapuro rwa 5)

by'ukuri nyuma y'isaha yo kunanizwa n'umubabaro wari washenjaguye umubiri We wavunitse, Mariya nyina We, abandi bagore bake b'abizerwa, na Yohana umwigishwa We yakundaga, ni bo bari "bahagaze iruhande" rw'umusaraba, ariko mu gihe cy'urubanza Rwe n' amasaha ya mbere y'ukubambwa Kwe, Yari yasizwe wenyine—wenyine burundu. Nta na rimwe mu mateka y'isi umuntu n'umwe yigeze ateranwa burundu n'inshuti ze n'abo akunda cyane nk'uko byagendekeye Yesu.

Yesu yafashwe, NTA buryo nyabwo buzwi, ahubwo afatwa n'ikivunge, abantu benshi: "Igitero kinini gifite inkota n'inshyimbo, giturutse ku batambyi n'abakuru b'ubwo bwoko" (Mat 26:47) na Yesu ubwe yagize icyo avuga ku buryo bwabo bakorehaga butari hamwe: "harya muhurujwe no kumfata nk'uko muzira umwambuzi, mu fite inkota n'inshyimbo? Nicaraga mu rusengeri iminsi yose nigisha, kuki mutamfashye? Ariko ibi byose bibereyeho kugira ngo ibyanditswe n'abahanuzi bisohore" (Mat 26:55-56).

Ibirego by'ibinyoma birahimbwa kugirango bamushinje "ngo babone uko bamwica" (Mat 26:59), yajyanywe mu rubanza ninjoro, ibi bikaba bitari byemewe n'amategeko.

Mu rukiko rw'i Roma, ubwo Pilato yashakaga nta ntango impamvu yo kumuciraho iteka, yabajije rubanda ati, "Yakoze cyaha ki?" igisubizo kimwe yabonye ni urusaku rw'ikivunge cya rubanda rudafite ishingiro bohejwe n'Abakuru babo ngo "Nabambwe!... Nabambwe!" (Mat 27:22-23). Ni uko Pilato abonye ko amagambo y'ukuri n'ubutabera ntacyo amaze kandi ko barushijeho "gushyamba", n'intege nke abyikuraho abaharira Yesu ngo bamubambe (Mat 27:22-26). Ibi byabaye kutubahiriza ubutabera gukabije cyane mu mateka yose yaranze isi.

Ubuziranenge bwa Kristo ntabwo bwagaragajwe na Pilato wenyine—"Jyewe nta cyaha namubonyeho" (Yoh 19:6) —Kuko n'umuhanuzi wahanuye ibyerekeye Mesiya wo mu Isezzerano rya Kera yagize ati: "Ntiyagiraga urugomo, kandi ntagiruburyarya mu kanwa Ke" (Yes 53:9).

Birakomeza mu kinyamakuru nomero. 06100

Zambiya

Bwana Pasitoro Tony Alamo,

Nishimiye kubandikira iyi baruwa. Umeze ute Pasiteri? Ndizera ko ku bw'umugisha w'Imana Ishobora byose, umeze neza. Nasomye ikinyamakuru cyawe kiboneka ku isi yose kitwa "Abayobozi n'Imigenzo," mu cyongereza ("Leaders and Fables") Imana yanyemereye kukigeraho mu buryo bw'igitangaza. Nyuma yo kugisoma, nahawe umugisha cyane, ni uko nifuzaga kukwandikira. Ndagushimira cyane ku bw'ubutumwa bwawe bwiza cyane bugera kuri abo batakaye kandi batarokowe kugira ngo Kristo aze mu buzima bwabo. Biciye mu nyandiko zawe abantu benshi babashije kugezwaho Kristo, nagobotowe ku kibi. Imana iguhe umugisha mu bukungu, impagarike no mu mwuka.

Pasiteri, ndi umukobwa ukiri muto, imyaka itanu irashize nshingiwe. Hashize imyaka ibiri mpaye ubuzima bwanjye Yesu Kristo, kandi Umwami yambereye umunyamugisha. Mfite intumbero zo kuzigisha abandi Inkuru nziza y'ukuri ya Yesu. Nkuko Abagore bo muri Afurika twakandamijwe ibinyejana byinshi kubera kirazira gakondo, none rero ndifuzaga kwiha wese Umwami. Pasitoro, ndagusaba za Bibiliya, ibitabo, ibinyamakuru, ubutumwa bw'Imana buri ku matepu, n'izindi nyandiko nyinshi kugira ngo bimfashe kujya kubwi-

riza ubwo bugingo bwatakaye. Mugoza, ndifuzaga gusaba imfashanyigisho zo kwiga Bibiliya n'indirimo ku matepu.

Uwawe muri Kristo

L.M

Isoka, Zambiya.

Bwana Pasitoro Tony Alamo,

Mbasuhuzanyije ibyishimo byinshi mu izina ry'Umwami Yesu Kristo. Ndashima Imana ku bw'ubuzima bwawe n'uburyo Yateganyije kugukoresha kugira ngo Ijambo risakazwe kugeza mu Nguni zose z'isi bityo ubuzima bukorwe. Pasitoro Alamo, Nyakubahwa, nari umupagane mbere y'uko nkizwa ikibi bitewe na mugenzi wanjye dukorana, igihe nasomye ubutumwa bwawe mu kinyamakuru, byabyukije umutima wanjye, kandi nzi neza ko Imana iri guhindura ubuzima bwanjye. Ndumva vuba ko Imana ishaka kutubibamo ubutungane bwayo. Pasitoro Alamo, ndisabira na sabira inshuti yanjye Bibiliya imwe cyangwa ebyiri zanditse mu Cyongereza kugira ngo dusome Ijambo ry'Imana Ishobora byose. Amahoro y'Imana abane nawe n'ubugingo bwawe. Ndagushimira cyane ku neza n'abantu baha agaciro mu gusubiza ibyifuzo.

Murakoze,

Kitwe, Zambiya.

G.N.

Megizike

Ushimwa neza, Pasitoro Alamo

Inyandiko zawe zanageze aho ndi, inyandiko zifite ubutumwa n'ubuhamya butangaje cyane biturutse mu bice bitandukanye by'isi. Ntagushidikanya, Imana iri kugukoresha cyane kugira ngo ubutumwa bwayo bw'agakiza bubashe kugezwa ku muntu wese. Nabaye muri gereza imyaka irindwi n'igice kubera gutwara urumogi. Mu gihe cy'imyaka ibiri ishize ndi kuba hano, Imana yanyiyeretse Ubwayo muri ubu buzima bubabaje mu buryo nyakuri butangaje. Ndizera gufungurwa uyu mwaka, none ndifuzaga kumenya niba Wabasha kunyohereza igitabo cyawe, cyitwa *Mesiya*, n'izindi nyandiko zishobora kumfasha guhindura abahungu banjye.

M.A

Monclova, Coahuila, Megizike.

Amabaruwa kuri Pastor Alamo

Ghana

Pasitoro mwiza kandi nkunda,

Ndishimye cyane ko wanyohereje ibinyamakuru byawe. icyumweru gishize, narimfite ikarito yuzuye ibinyamaku-ru byawe. Bwana mukazi w'Umwami, abantu bari bishimiye kubisoma. Inshuti zanjye mu cyaro, dusangira impano buri teka kandi turasurana kugira ngo dusengere hamwe, twari duhangayiki-shijwe no kubisoma kandi zimwe muri roho zasubijwe ubugingo ubwo twasomeranaga ibinyamakuru. Turishimye cyane, kandi turagusaba kudushyira ku rutonde rw'abohererezwa imfashanyigisho y'inkuru nziza. Dukeneye za Bibiliya, inyandiko zawe, kandi tuzishimira kwakira amasomo avuye mu itorero ryawe.

Turagusengera, umuhungu wawe mukundwa, Sion, n'abakorana nawe mu itorero. Imana iguhe umugisha mwinshi. Mbere na mbere kandi mu buryo bwose, dusengere. Amasengesho abasha kutuzanira ukuboko gufite imbaraga kw'Imana Ishobora byose. Nta masengesho, twaba turi "kwizenguruka nk'ipine".

Nijeriya

Bwana Pasitoro,

Mbaramukije mu izina ry'Umwami Yesu Kristo. Amena. Ikinyamakuru cyanyuma wanyohereje namaze kugikwirakwiza, kandi ntangazwa cyane n'impinduka kizana mu buzima bw'abacyakiriye, kuko biyemeza gukorera Umwami n'umutima wabo wose, abandi basezeranyije kuzakwandikira. Ndashaka gusaba kopi 25 z'igitabo cyitwa, *Mesiya*, na kopi 150 z'ibindi binyamakuru byawe, Bibiliya, n'izindi nyandiko zamfasha mu gukwirakwiza inkuru Nziza no guha inshuti, abo mu muryango wanjye, n'abandi bantu bose bakwifuzaga kumenya birushijeho Umwami Yesu Kristo. Mu by'ukuri ndifuzaga rwose kuba umwe mu bahagarariye itorero ryawe hano muri Nijeriya. Ndashaka kumenya icyo bisaba. Nabonye ko ukuboko kw'Imana kuri mu buzima bwawe n'itorero. Ndifuzaga kugira ugusigwa n'ubuntu buri mu buzima bwawe ndetse n'itorero ryawe. Ntegerezanyije ikizere kubona igisubizo cyanyu.

Uwawe mu Mwami,

R.M.

Port Harcourt, Nigeria

Turakwingize sengerabanyeshuri bacu b'abakorera bushake, bajya mu cyaro kure cyane no mu misozi ku bw'akazi k'Umwami. Basengere kugira ngo bagire umuhate, kwizera n'urukundo. Umwuka Wera w'Umwami urakubere umurinzira n'umuyobozi. Izahore Yibuka kuguha umugisha mwinshi cyane. Turasenga Imana ngo urambe, ugire amahoro, n'uburumbuke.

Turagukunda mu rukundo rwa Kristo.

A.S

Akra, Ghana

Bwana Pasitoro,

Urakoze cyane kunyohereza eza igitabo cyawe cyitwa, *Mesiya*, n'ibinyamakuru icumi. Izi mfashanyigisho zanzaniye kumenya umwuka, n'ubushake bushya bw'umurimo w'Imana mu buzima bwanjye. Nahaye bimwe mu binyamakuru inshuti zanjye z'Abakristo zari zarakonje mu kwemera, hanyuma ubwo nabasuraga, bese berekanye ibyishimo byinshi ko bese bari basubijwe ubuzima mu Mwuka, kandi byagenze neza biturutse mu gusoma ibinyamakuru byawe. Aba bantu bafitiye inyota ibinyamakuru byawe, none ndakwingize nyohereza nk'ibinyamakuru 150 na zimwe muri za Bibiliya ngo zihabwe abari guhinduka muri iyi minsi kandi bazikeneye cyane. Ndagushimiye cyane ko uzabyohereza. Urakoze cyane ku bw'uko wigisha Ijambo ry'Imana neza cyane ukanaritangana ukwizera. Imana ishobora byose ikomeze kuguha umugisha. Ukwizera kwimura umusozi.

Umukobwa wawe muri Kristo,

T.O.

Kumasi, Ghana

Bwana Pasitoro,

Nkoherereje indamutso ziva ahantu hose muri Ghana. Nyuma yo gusoma inyandiko yawe

Togo

Nshuti mukundwa muri Kristo,

Twishimiye kwakira ibaruwa yawe. Twishimiye inyandiko mwatwoherereje. Imana Iri gukora biciye muri zo. Twamaze kuyobora ubugingo 15 bwaje bugana Kristo kubera turiya dutabo kandi dusenga Imana ngo mwese ibahe umugisha.

Kubijyanye n'amasede, tuzayakenera, kimwe na Bibiliya ku bashya bahinduka. Uburyo ibintu bimeze ubu ntabwo twabibonera ubushobozi. Togo ni igihugu gikennye.

Dutegereje ko mwaduha amasede na Bibiliya zizakoreshwa muri kampanye ya Pasika.

Uhabwe umugisha mu izina rya Yesu, Amena.

Rev. Henry James

Lome, Togo

yitwa, *Mesiya*, nishimiye cyane kukubwira ko nibura nabashije kwakira Yesu Kristo nk'umukiza wanjye kandi nkemera ko yaje agapfira ku musaraba kubera jye. Mbere, nabaga mu isi itazi Imana, kandi itanazi Umwana wayo, *Mesiya*, ariko nyuma yo gusoma inyandiko zawe, ubu nzi ko nari naratakaye, none ubu ndiho, nari mu mwijima, ariko Imana yangaruye mu rumuri. None rero, ubu navutse bundi bushya, ndi umukristo, nkaba n'umwana w'Imana nzima. Kugeza ubu, nta Bibiliya ngira, niba bishoboka nyohereza imwe iri kumwe n'agatabo kawe kitwa *Mesiya*, kandi mubashije kunyohereza n'ibindi bitabo byamfasha kumenya Imana kurushaho, byanshimisha. Ubu nitabira amasengesho mu itorero ry'Abapantekoti riri Koforidua. Umwami Imana ikomeze kubaha umugisha mwinshi ku bw'imirimu myiza mwakomeje gukora.

Mugire amahoro,

D.F.

Koforidua, Ghana



<https://twitter.com/tonyalamominist>



<https://www.youtube.com/user/PastorTonyAlamo>



<https://www.facebook.com/pages/TONY-ALAMO-Christian-Ministries/729439147079523?fref=ts>

Ubuhamya bwa TONY ALAMO

(Komeza uvuye ku rupapuro rwa 3)

“Uzizera akabatizwa azakizwa; ariko utizera azacibwaho iteka.”³² Niba umeze nkanjye ukaba udashaka gucibwaho iteka, ahubwo ugakizwa, bwira Imana iri sengesho:

Mwami wanjye kandi Mana yanjye, girira imbabazi ubugingo bwanjye, jye munyabyaha.³³ Nizera ko YESU KRISTO ari Umwana w’Imana nzima.³⁴ Nemera ko Yapfiriye ku musaraba kandi akamena amaraso ye y’agaciro gakomeye kugira ngo ngirirwe imbabazi z’ibyaha byanjye byose.³⁵ Nemera ko Imana yazuye YESU mu bapfuye ku bw’imbaraga z’UMWUKA WERA,³⁶ kandi Akaba yicaye iburyo bw’Imana ubu muri aka kanya akaba arikumva ukwicuza kwanjye n’iri sengesho.³⁷ Nkinguye umuryango w’umutima wanjye, kandi ndagutumiye mu mutima wanjye, MWAMI YESU.³⁸ Oza ibyaha byanjye byose binuka mu maraso y’agaciro gakomeye wamenye ku musaraba i Kaluvariyo mu cyimbo cyanjye.³⁹ Ntuzanyirukana, MWAMI YESU; Urambabarira ibyaha byanjye urokore ubugingo bwanjye. Ndabizi kuko IJAMBO RYAWA, Bibiliya irabi-

vuga.⁴⁰ IJAMBO RYAWA rivuga ko ntawe Uzasubiza inyuma, nanjye ndimo.⁴¹ Bityo, nziko wanyumvishe, kandi nzi ko Wansubije, kandi nzi ko narokowe.⁴² Kandi ndagushimiye, MWAMI YESU, ko warokoye ubugingo bwanjye, kubw’ibyo nzerekana amashimwe yanjye nkora nk’uko Utegeka kandi nzibukira kongera gukora ibyaha ukundi.⁴³

Nyuma y’agakiza, YESU atubwira kubatizwa, tukibizwa wese mu mazi, mu izina rya Data, n’iry’Umwana, n’UMWUKA WERA.⁴⁴ Tukigana ubushishozi Bibiliya yera, tukanakora ibyo ivuga.⁴⁵

KRISTO n’IMANA DATA ubu baba muri wowe binyuze mu mwuka wera. Hari uburyo ushobora kwakira kamere yuzuye ntagatifu y’IMANA muri wowe. Uko kamere ntagatifu y’IMANA irushaho kuba muri wowe, niko uzajya urushaho guhagarara ukarwanya ibishuko byanjyanye miliyoni nyinshi z’ abakristukure y’agakiza. Sengera umubatizo mu MWUKA WERA. Ku mabwiriza yuko bakira umubatizo mu MWUKA WERA no kwakira birushijeho kamere y’Imana, wasaba inyandiko zacu cyangwa ugahamagara. Kuko umuntu utejewe atazabona IMANA (Abaheburayo 12:14).

Umwami ashaka ko ubwira abandi iby’ugukizwa kwawe. Ushobora kuba ukwirakwiza inyigisho z’ijambo

ry’Imana rya Pasitoro Tony Alamo. Tuzakohereza inyigisho ku buntu. Duhamagare cyangwa utwandikire kuri aderesi emeyiri ku bindi bisobanuro. Sangiza ubu butumwa abandi.

Niba ushaka ko isi ikizwa, nk’uko YESU abitegeka, mwikwima Imana umugabane wa kimwe mu icumi cyangwa amaturo. IMANA iravuga ngo “Mbese umuntu yakwima Imana ibyayo? Ariko mwebwe mwarabinyimye. Nyamara murabaza muti Twakwimye iki? Mwanyimye imigabane ya kimwe mu icumi n’amaturo, muvumwa wa muvumo kuko ishyanga ryose [isi yose] uko mungana mwanyimye ibyanjye. Nimuzane imigabane ya kimwe mu icumi ishyitse mu bishyire mu bubiko, inzu YANJYE [ubugingo bwarokowe] ibemo ibyo kurya [ibiryo by’umwuka]. Ngaho nimubingeregereshe, niko Uwituka Nyiringabo avuga, murebe ko ntazabagomerera imigomero yo mu ijuru, nkabasukahamo umugisha mukabura aho muwukwiza. Nzahana indyanyi nyibahora, ntizarimbura imyaka yo ku butaka bwanyu, kandi n’umuzabibu wanyu ntuzaragarika imbuto mu murima igihe cyawo kitaragera. Niko Uwituka Nyiringabo avuga. Kandi amahanga yose azabita abanyamahirwe, kuko muzaba igihugu kinezzeza. Niko Uwituka Nyiringabo avuga” (Malaki 3:8-12).

32 Mar 16:16, 2 Tes 2:12 33 Zab 51:5, Rom 3:10-12, 23 34 Mat 26:63-64, 27:54, Luka 1:30-33, Yoh 9:35-37, Rom 1:3-4 35 Ibyak 4:12, 20:28, Rom 3:25, 1 Yoh 1:7, Ibyah 5:9 36 Zab 16:9-10, Mat 28:5-7, Mar 16:9, 12, 14, Yoh 2:19, 21, 10:17-18, 11:25, Ibyak 2:24, 3:15, Rom 8:11, 1 Kor 15:3-7 37 Luka 22:69, Ibyak 2:25-36, Heb 10:12-13 38 1 Kor 3:16, Ibyah 3:20 39 Fes 2:13-22, Heb 9:22, 13:12, 20-21, 1 Yoh 1:7, Ibyah 1:5, 7:14 40 Mat 26:28, Ibyak 2:21, 4:12, Fes 1:7, Kolo 1:14 41 Mat 21:22, Yoh 6:35, 37-40, Rom 10:13 42 Heb 11:6 43 Yoh 5:14, 8:11, Rom 6:4, 1 Kor 15:10, Ibyah 7:14, 22:14 44 Mat 28:18-20, Yoh 3:5, Ibyak 2:38, 19:3-5 45 Guteg 4:29, 13:4, 26:16, Yos 1:8, 22:5, 2 Tim 2:15, 3:14-17, Yak 1:22-25, Ibyah 3:18

Ukeneye ibindi bisobanuro cyangwa inyigisho ku zindi ngingo waba wifuza tugane

Tony Alamo, World Pastor, Tony Alamo Christian Ministries Worldwide • P.O. Box 2948, Hollywood, CA 90078

Amasengesho akorwa amasaha makumyabiri n’ane n’umurongo ufunguye umunsi wose kubifuza ibindi bisobanuro: (661) 252-5686 • Fax (661) 252-4362

www.alamoministries.com • taoffice@alamoministries.com

Itorererwa rya Tony Alamo ku isi yose ritanga ahantu ho kuba ufite ibikenewe byose mu buzima ku bantu bose bari muri Leta Zunze Ubumwe za Amerika bifuzwa mu by’ukuri gukorera Umwami n’umutima wa bo wose, ubugingo, intekerezo n’imbaraga byabo.

Amateraniro aba buri mugoroba saa mbili z’umugoroba. Ku cyumweru saa cyenda z’umugoroba na saa mbili z’umugoroba, ku rusengeru rwa Los Angeles. 13136 Sierra Hwy., Santa Clarita, CA 91390, +1(661) 251-9424.

Ni Ubuntu mu kujya cyangwa kuva mu materaniro bitangirwa mu mfuruka za Hollywood Blvd. & Highland Ave., Hollywood, CA, buri munsi saa 6:30 z’umugoroba, ku cyumweru saa 1:30 z’umugoroba na 6:30 z’umugoroba Buri kuwa Kabiri saa mbili za nimugoroba mu mujyi wa New York no mu bindi bice mu masaha ya nimugoroba tugira amateraniro, hamagara kuri +1(908) 937-5723 uhabwe ibisobanuro birambuye. NYUMA YA BURI TERANIRO DUSANGIRA IFUNGURO.

Saba Igitabo cya Pasitoro Toni Alamo kitwa Mesiya, kikwereka KRISTO. Uhereye mu Isezerano rya Kera byahishuwe mu buhanuzi bugera kuri 333.

Ba umukozi mu murima isarurirwamo ubugingo, bikore ukwirakwiza inyigisho za Pasitori Tony Alamo.

Inyandiko zacu zose n’ubutumwa bw’amajwi bitangirwa Ubuntu, harimo no kubyohereza mu bwato.

Niba hari uhirahiye ashaka kuzikwishyuzwa, duhamagare kuri +1(661) 252-5686 (ihamagarwa ku buntu).

IYI NYANDIKO IFITE UMUGAMBI W’UKURI W’AGAKIZA (IBYAK 4:12).

WIYIJUGUNYA, YIHE UNDI MUNTU.

Ku bari mu bindi bihugu, turabashishikariza gushyira iyi nyandiko mu rurimi rwanyu. Igihe mwongeye kuzisohora, ntumukibagirwe gushyiraho ibijyanye n’iby’ umutungo bwite mu by’ubwenge kandi mu kazandikisha:

© kopirayiti Ugushyungu 1995, 2012, 2013, 2014, 2015 All rights reserved World Pastor Tony Alamo © kwandikishwa Ugushyungu 1995, 2012, 2013, 2014, 2015 KINYARWANDA—VOLUME 06000—TONY ALAMO’S TESTIMONY—DRY BONES